


2017

Bosna i Hercegovina
Federacija Bosne i Hercegovine
Bosansko-podrinjski kanton Goražde
SKUPŠTINA KANTONA
Stručna služba

Broj: 01-02-995-2/16
Goražde, 13. januara 2017. godine

**FEDERALNO MINISTARSTVO RADA
I SOCIJALNE POLITIKE**
Marka Marulića 2
71000 SARAJEVO



PREDMET: Mišljenje, dostavlja se.-

Poštovani,

U prilogu akta dostavljamo Vam Mišljenje Ministarstva za pravosuđe, upravu i radne odnose Bosansko-podrinjskog kantona Goražde na Nacrt Zakona o izmjenama i dopunama Zakona o radu.

S' poštovanjem!

DOSTAVLJENO:

1. Naslovu,
2. a/a.



SEKRETAR SKUPŠTINE

Midhat Bašić
Midhat Bašić, dipl. pravnik



Bosnia and Herzegovina
Federation of Bosnia and Herzegovina
Bosnian-podrinje canton Gorazde
MINISTRY OF JUSTICE, PUBLIC ADMINISTRATION AND LABOR

Broj: 05-02-609-1/16
Goražde, 09.01.2017. godine

BOSANSKO – PODRINJSKI KANTON GORAŽDE
SKUPŠTINA KANTONA
n/r Predsjedavajuće

PREDMET: *Mišljenje, daje se.-*

Povodom Vašeg akta broj:01-02-995-1/16 od 26.12.2016. godine, a koji se odnosi na davanje mišljenja na Nacrt Zakona o izmjenama i dopunama Zakona o radu, Ministarstvo za pravosuđe, upravu i radne odnose BPK-a Goražde, daje slijedeće,

MIŠLJENJE

Nakon razmatranja predmetnog Zakona Ministarstvo za pravosuđe, upravu i radne odnose Bosansko – podrinjskog kantona Goražde smatra opravdanim donošenje istog iz prostog razloga što se u toku primjene ovog Zakona nametnula potreba za izmjenama i dopunama pojedinih odredbi Zakona kako bi se preciznije regulisali određeni instituti za što kvalitetniju i efikasniju implementaciju postojećeg Zakona o radu i spriječila utuživanja po osnovu različito regulisanih prava iz radnog odnosa.

S tim u vezi, bitno je i napomenuti da je predmetni tekst Nacrta Zakona usaglašen sa socijalnim partnerima, odnosno sa poslodavcima, sindikatima i institucijama zaduženim za njegovu primjenu i kontrolu na koji je i Ekonomsko – socijalno vijeće za teritoriju Federacije BiH, dalo pozitivno mišljenje.

Takođe, između ostalog posebno ističemo značajnim i dodavanje novog člana 20.a u tekst Nacrta Zakona kojim se reguliše procedura prijema u radni odnos, gdje je utvrđeno da se radni odnos zasniva zaključivanjem Ugovora o radu nakon provođenja procedure prijema, propisane pravilnikom o radu poslodavca.

Isto tako, u istom članu je propisano da se u zavodima, agencijama, direkcijama i upravnim organizacijama drugog naziva, pravnim licima sa javnim ovlaštenjima na teritoriji Federacije, kao i u javnim ustanovama i javnim preduzećima, čiji je osnivač Federacija, kanton, grad ili općina, te u privrednim društvima u kojima Federacija, kanton, grad ili općina učestvuje sa više od 50% ukupnog kapitala, prijem u radni odnos vrši nakon provedene procedure obaveznog javnog oglašavanja za prijem u radni odnos, a što važeći Zakon nije predviđao, već se naprotiv u većini slučajeva u gore pomenutim subjektima prijem u radni odnos obavljao netransparentno, to jeste bez javnog oglašavanja.

Imajući u vidu naprijed navedeno Ministarstvo za pravosuđe, upravu i radne odnose BPK-a Goražde, konstatuje da je poželjno podržati donošenje pomenutog Zakona.


S poštovanjem!

Akt sačinio

Plakalo Asim, dipl. pravnik

DOSTAVLJENO:

① Naslovu i
2.a/a.



MINISTAR

Radmila Janković, dipl. pravnik

zms

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
VLADA




БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ТУЗЛАНСКИ КАНТОН
ВЛАДА

113/17

BOSNIA AND HERZEGOVINA
FEDERATION OF BOSNIA AND HERZEGOVINA
TUZLA CANTON
GOVERNMENT

TUZLA, Tel.: ++387(0)35 369 317 i 369 303; Fax: ++ 387 (0)35 369 306; Web site: www.vladatk.kim.ba; e-mail: vlada@tk.kim.ba

03/09



FEDERALNO MINISTARSTVO RADA
I SOCIJALNE POLITIKE
n/r ministra

Broj: 02/3-02-31526/16
Tuzla, 18.01.2017. godine


PREDMET: Mišljenje, dostavlja se

U prilogu akta dostavljamo Vam Mišljenje na nacrt Zakona o izmjenama i dopunama Zakona o radu i Zaključak Vlade Tuzlanskog kantona, broj: 02/1-02-31526/16 od 18.01.2017. godine.

S poštovanjem,

DOSTAVITI

- 1 x Naslovu
- 1 x Evidenciji
- 1x a/a



SEKRETAR VLADE

Enver Ćosickić

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/1-02-31526/16
Tuzla, 18.01.2017. godine

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, broj: 17/00, 1/05, 11/06 i 13/11), Vlada Tuzlanskog kantona na sjednici održanoj dana 18.01.2017. godine, donosi

ZAKLJUČAK

I


Prihvata se Mišljenje Ministarstva za rad, socijalnu politiku i povratak na nacrt Zakona o izmjenama i dopunama Zakona o radu, broj: 09/1-02-31526/16 od 13.01.2017. godine.

II

Mišljenje iz tačke I ovog Zaključka dostavit će se Federalnom ministarstvu rada i socijalne politike i Skupštini Tuzlanskog kantona.

DOSTAVITI:

- 1 x Federalnom ministarstvu rada i socijalne politike**
- 1 x Skupštini Tuzlanskog kantona**
- 1 x Ministarstvu za rad, socijalnu politiku i povratak TK**
- 1 x Evidenciji**
- 1 x a/a**



PREMIJER KANTONA

Bego Gutić
Bego Gutić

Bosna i Hercegovina
Federacija Bosne i Hercegovine
Tuzlanski kanton
MINISTARSTVO ZA RAD, SOCIJALNU POLITIKU I
POVRATAK



Босна и Херцеговина
Федерација Босне и Херцеговине
Тузлански кантон
МИНИСТАРСТВО ЗА РАД, СОЦИЈАЛНУ, ПОЛИТИКУ И
ПОВРАТАК

Bosna i Hercegovina
Federacija Bosne i Hercegovine
Tuzlanski kanton
Ministarstvo za rad, socijalnu politiku i povratak
MINISTRY OF WORK, SOCIAL AFFAIRS AND RETURN

Tuzla, Ul. Kozaračka br.11; Tel: +387 35 369 433, 369 432, 369 333, 369 335, 369 334, 369 354; Fax: 369 355; www.vladatk.kim.ba; email: minrsp@tk.kim.ba

Broj: 09/1-02-31526/16
Tuzla, 13.01.2017. godine

**BOSNA I HERCEGOVINA
TUZLANSKI KANTON
VLADA
SEKRETAR VLADE**

**PREDMET: Nacrt Zakona o izmjenama i dopunama Zakona o radu FBiH, mišljenje,
dostavlja se.-**

Poštovani,

Ministarstvo za rad, socijalnu politiku i povratak Tuzlanskog kantona je razmotrilo **Nacrt Zakona o izmjenama i dopunama Zakona o radu FBiH**, kojeg je Federalno ministarstvo rada i socijalne politike dostavilo Skupštini Tuzlanskog kantona na razmatranje i mišljenje. Ministarstvo podržava donošenje Zakona o izmjenama i dopunama Zakona o radu sa sljedećim primjedbama i prijedlozima:

1. Član 1. Nacrta Zakona o izmjenama i dopunama Zakona o radu. Predlažemo da navedeni član glasi:

Član 1.

„U Zakonu o radu („Sl novine F BiH, broj: 26/16), (u daljem tekstu: zakon), u članu 19. u stavu (3) na kraju teksta iza riječi: „pravo“, dodaju se riječi: „ako ovim ili drugim zakonom nije drugačije uređeno“.

Objasnenje

Član 1. Nacrta Zakona o izmjenama i dopunama Zakona o radu je, onako kako je predložen nejasan, budući da se u navedenom stavu dva puta spominje riječ: „pravo“, te budući da je članom 1. Zakona o radu ostavljena mogućnost da se pitanja iz radnih odnosa mogu drugačije urediti drugim zakonom, kao što su posebnim zakonima uređena pitanja iz radnih odnosa za državne službenike i namještenike, policiju itd, te je ovu normu trebalo drugačije propisati, odnosno da se i drugim zakonima koji uređuju radne odnose ova pitanja mogu drugačije riješiti, kako je to predloženo.

2. Član 2. Nacrta Zakona o izmjenama i dopunama Zakona o radu. Predlažemo da u novo dodatom članu 20a. stav (2) se preformuliše tako da isti glasi:

„(2). Zapošljavanje u javnim ustanovama, javnim preduzećima i drugim pravnim licima čiji je osnivač Federacija, kanton ili općina /grad, te u privrednim društvima u kojima državni kapital učestvuje sa više od 50 % ukupnog kapitala vrši nakon provedene procedure obaveznog javnog oglašavanja, na osnovu objektivnih, unaprijed utvrđenih kriterija“.

Obrazloženje

Članom 2 izmjena kojim je iza člana 20. Zakona o radu dodat novi član 20a. u stavu (2) tog člana između ostalog obuhvaćene su i upravne organizacije drugog naziva, a što je nepotrebno, budući da su upravne organizacije organi državne službe koji su obuhvaćeni Zakonom o državnoj službi, a koji već propisuje obavezno zapošljavanje putem javnog konkursa, tako da drugi zavodi, direkcije i agencije koje nisu upravne organizacije ne bi bili obuhvaćeni ovom normom, tako da se predlaže da se stav (2) člana 20a. glasi kao u našem prijedlogu, jer smatramo da je to preciznije i bolje formulisano rješenje.

3. Član 4. Nacrta Zakona o izmjenama i dopunama Zakona o radu. Predlažemo da se u članu 47. Zakona doda novi stav (2) koji bi glasio:

„(2) Izuzetno godišnji odmor iz prethodnog stava može da traje duže ukoliko je to uređeno zakonom ili kolektivnim ugovorom, a prema prirodi posla i uvjetima rada“.
Dosadašnji stav (2) postaje stav (3).

Obrazloženje

Smatramo da izmjena u članu 47 stav (1) Zakona o radu, onako kako je formulisana članom 4. Nacrta zakona o izmjenama i dopunama Zakona o radu stvaraju zabunu, odnosno da nisu pravilno nomotehnički formulisane, tako da je bolje da se umjesto dodavanja navedenih riječi na kraju teksta doda novi stav (2) kako je to predloženo, uzimajući u obzir i činjenicu da postoje i drugi zakoni koji uređuju ovu oblast, kao što je oblast obrazovanja, gdje je godišnji odmor duži.

4. Član 5 Nacrta Zakona o izmjenama i dopunama Zakona o radu, koji se odnosi na izmjenu stava 2. člana 75 Zakona o radu.

Predlažemo da se doda nova tačka (d) koja glasi:

„d) i drugi dodaci utvrđeni kolektivnim ugovorom, pravilnikom o radu i ugovorom o radu“.

Obrazloženje

Dodatak za svaku godinu radnog staža predstavlja povećanje osnovne plaće koji je utvrđen kako u Općem kolektivnom ugovoru, tako i u granskim kolektivnim ugovorima, pa shodno tome smatramo da ovo povećanje predstavlja i plaću.

5. Član 6. Nacrta Zakona o izmjenama i dopunama Zakona o radu, koji se odnosi na član 78. osnovnog Zakona. Ministarstvo predlaže da se u članu 6. izmjena doda novi stav kojim bi se izmijenio stav 4. člana 78. osnovnog Zakona i za koji se predlaže da glasi:

„(4) Poslodavac ne može radniku obračunati i isplatiti plaću manju od najniže plaće utvrđene prema stavu 1. ovog člana.“

Obrazloženje

Ministarstvo smatra, da budući, da je članom 6. izmjena i dopuna Zakona promijenjen dosadašnji stav 1. člana 78. koji je glasio: „(1) Kolektivnim ugovorom i pravilnikom o radu utvrđuje se najniža plaća“, tako da isti glasi: “Vlada Federacije utvrđuje najnižu plaću nakon konsultacije sa

Ekonomsko - socijalnim vijećem“, tako da zbog toga ne može ostati nepromijenjen stav 4. istog člana koji glasi: „(4) Poslodavac ne može radniku obračunati i isplatiti plaću manju od plaće utvrđene kolektivnim ugovorom i pravilnikom o radu“, nego da je u tom smislu stav 4. potrebno izmijeniti kako je predloženo.

6. Ministarstvo predlaže da se član 10. Nacrta Zakona o izmjenama i dopunama Zakona o radu briše, odnosno da se ne dodaje član 138a, nego da se zbog problema u tumačenju i primjeni izmijeni dosadašnji član 138. Zakona o radu na slijedeći način.

Prihvata se predložena izmjena stava (1) člana 138. Zakona o radu, da se iza riječi: „zaključuju“, dodaju riječi: „Vlada Federacije“, i ostatak teksta se nastavlja.

Stav 2. člana 138. Zakona o radu ostaje nepromijenjen.

Predlaže se izmjena stava (3) člana 138 Zakona o radu i da se doda novi stav (4) tako da bi isti glasili:

„(3) Granske kolektivne ugovore za područja djelatnosti koja se finansiraju iz budžeta i vanbudžetskih fondova zaključuju Vlada Federacije, odnosno nadležna federalna ministarstva za područje Federacije ili Vlade kantona odnosno nadležna kantonalna ministarstva za područje jednog ili više kantona i reprezentativni sindikati za područje tih djelatnosti, zavisno od toga u čijoj nadležnosti su te djelatnosti i ko ih finansira, a za djelatnosti za koje je propisana zajednička nadležnost, granske kolektivne ugovore zaključuju, Vlada Federacije, odnosno nadležna federalna ministarstva, uz saglasnost Vlada kantona, za područje Federacije ili Vlade kantona odnosno nadležna kantonalna ministarstva za područje jednog ili više kantona i reprezentativni sindikati za područje tih djelatnosti.

„(4) Granske kolektivne ugovore za zaposlene u javnim preduzećima i privrednim društvima sa većinskim učešćem državnog kapitala zaključuju nadležna ministarstva Federacije za područje Federacije, odnosno nadležna ministarstva kantona za područje jednog ili više kantona i reprezentativni sindikat u Federaciji ili jednom ili više kantona.

Takođe se u smislu gore navedenih izmjena predlaže izmjena postojećeg stava (4) člana 138. Zakona koji bi postao stav (5) tako da isti glasi:

„(5) Pojedinačne kolektivne ugovore zaključuje reprezentativni sindikat kod poslodavca i poslodavac. U javnim preduzećima i privrednim društvima sa većinskim državnim kapitalom pojedinačni kolektivni ugovori se zaključuju uz prethodnu saglasnost nadležnog ili ovlaštenog organa osnivača javnog preduzeća, odnosno nosioca državnog kapitala u privrednim društvima“.

Dosadašnji stav (5) člana 138 koji bi sada postao stav (6) bio ostao neizmjenjen.

7. Član 11. Zakona o izmjenama i dopunama Zakona o radu. Predlažemo da se a kojim se mijenja član 160. Zakona o radu preformuliše tako da isti glasi:

„Federalni inspektor rada obavlja neposredni inspekcijski nadzor u privrednim društvima sa učešćem državnog kapitala Federacije BiH i pravnih subjekata sa javnim ovlaštenjima koji su osnovani posebnim zakonom (institucije i ustanove) od interesa za Federaciju, a koje je osnovala Federacija i u kojima se kao nosilac državnog kapitala pojavljuje Federacija, kao i u pravnim subjektima čiji su osnivači i vlasnici drugi nivoi vlasti za koje je utvrđeno da su od interesa za Federaciju, a izuzetno i

kod drugih poslodavaca, kada ocjene da je neophodno preduzeti mjere u cilju osiguranja izvršavanja ovog zakona i na osnovu njega donesenih propisa“.

Obrazloženje

Onako kako je predloženo da glasi član 160. Zakona nije sasvim jasan, odnosno nejasno je koji su poslodavci i pravni subjekti od interesa za Federaciju i čime je to utvrđeno, odnosno da li se u konkretnom slučaju radi o pravnim subjektima koje je osnovala Federacija i u kojima se kao nosilac državnog kapitala pojavljuje Federacija ili o pravnim subjektima čiji su osnivači i vlasnici drugi nivoi vlasti za koje je utvrđeno da su od interesa za Federaciju, tako da predlažemo da navedeni stav glasi kako je to naprijed formulisano.

8. Član 12. Nacrta Zakona o izmjenam i dopunama Zakona o radu. Predlažemo da se u stavu (2) člana 168 Zakona o radu izmjena umjesto riječi: „primiti“, upotrijebi riječ: „vratiti“.

Obrazloženje

Kada se izabrani dužnosnik nakon isteka mandata želi vratiti na rad kod istog poslodavca on se ponovo ne prima u radni odnos, nego se vraća u radni odnos, tako da ne treba koristiti riječ „primiti“, nego riječ „vratiti“.

9. Član 13. i 14. Nacrta Zakona o izmjenam i dopunama Zakona o radu. Ministarstvo je takođe mišljenja da izmjenama i dopunama Zakona o radu nije potrebno dopunjavati član 171. sa novom tačkom 72. (koja glasi: „ako iz neopravdanih razloga ne isplati plaću u roku utvrđenom u članu 79. stav (1) ovog zakona, sa svim pripadajućim doprinosima“, odnosno brisati član 172. osnovnog Zakona koji glasi: „Novčanom kaznom u iznosu od 10.000,00 KM do 50.000,00 KM kaznit će se poslodavac koji ne isplati plaću u roku utvrđenom u članu 79. stav 1. ovog zakona sa svim pripadajućim doprinosima“.

Obrazloženje

Ministarstvo smatra da su dosadašnja rješenja u osnovnom tekstu Zakona koja se tiču navedenih članova dobra i da su propisane novčane kazne adekvatne eventualno počinjenom prekršaju neisplaćivanja plaća u propisanom roku, odnosno da su predložene izmjene, a koje u suštini znače samo smanjenje novčane kazne za navedeni prekršaj, korak unazad u odnosu na dosadašnje rješenje.

S poštovanjem,

Obradio:


Anto Ilkić, dipl. pravnik

Nurdin Muhamedbegović

Esmina Divjaković dipl. pravnik

DOSTAVLJENO:

1. Naslovu,
2. Evidenciji,
3. Arhivi.



MINISTRICA

Danijela Simić

COMS

MG/A

Bosna i Hercegovina
 Federacija Bosne i Hercegovine
KANTON SARAJEVO



Ministarstvo za rad, socijalnu
 politiku, raseljena lica i izbjeglice

Bosnia and Herzegovina
 Federation of Bosnia and Herzegovina
CANTON SARAJEVO
 Ministry of Labour, Social Policy,
 Displaced Persons and Refugees

Broj: 13-04/01-02-36199/16
 Sarajevo, 16.01.2017. godine

Federalno ministarstvo rada i socijalne politike
 Marka Marulića 2, 71000 Sarajevo
 n/r Vesko Drljača, ministar

03/0

FEDERACIJA BOSNE I HERCEGOVINE			
FEDERATION OF BOSNIA AND HERZEGOVINA			
KANTON SARAJEVO			
MINISTARSTVO ZA RAD I SOCIJALNU POLITIKU			
PRIMljENO: 21.01.2017.			
BR. ISK.	BR. UZ.	BR. UZ.	BR. UZ.
03	02/A	3322	/16

Predmet: Mišljenje na Nacrt zakona o izmjenama i dopunama Zakona o radu – dostavlja se

Federalno ministarstvo rada i socijalne politike je svojim aktom broj: 03-02/1-3322/16 od 21.12.2016.godine dostavilo Skupštini Kantona Sarajevo Nacrt zakona o izmjenama i dopunama Zakona o radu na mišljenje, a isti je prosljeđen ovom ministarstvu, kao resomom, na dalje postupanje.

S tim u vezi dajemo mišljenje kako slijedi:

Član 1.

Isčitavanjem osnovnog teksta Zakona o radu, te predmetnog materijala, nismo utvrdili postojanje niti jednog prava u navedenom zakonu čija povoljnija primjena je izričito zabranjena. Smatramo da bi se ovaj član trebao dodatno precizirati.

Član 2.

Predloženi novi član 20.a stav (1) dijelom ponavlja član 4. Zakona o radu kojim je uređeno pitanje zasnivanja radnog odnosa.

Stoga smatramo da bi se norma kako je definisano predloženim članom 20.a stav (1) trebala unijeti na način da se izmjeni ili dopuni član 4. stav (1) osnovnog teksta Zakona o radu.

Nadalje, a vezano za predloženi član 20.a stav (1), podsjećamo da je članom 118. Zakona o radu utvrđena obaveza (samo) poslodavcu koji zapošljava više od 30 radnika da donese pravilnik o radu. Stoga ostaje nejasno kako će poslodavac koji zapošljava manje od 30 radnika, te shodno tome nije u obavezi donijeti pravilnik o radu, vršiti prijem u radni odnos.

S obzirom na iznijeto smatramo da bi se predloženi stav (1) člana 20.a trebao uskladiti sa članovima 4. stav (1) i 118. stav (1) Zakona o radu.

Član 6.

Smatramo da predložene izmjene stava (1) člana 78. Zakona o radu u osnovi neće biti primjenjive iz razloga što su stavom (2) člana 78. Zakona o radu (koji se ne mijenja) dati elementi za utvrđivanje najniže plaće, a to je najniža cijena rada, čije utvrđivanje je u nadležnosti strana potpisnika kolektivnog ugovora odnosno donosioca pravilnika o radu.

Smatramo da su predložene izmjene stava 1. člana 78. Zakona o radu i stava (2) (koji se ne mijenja) člana 78. istog zakona suprotni jedan drugom. U slučaju da predlagač smatra da predložene izmjene stava (1) člana 78. treba da ostanu u predloženom tekstu Vlada Federacije će imati ulogu (samo) matematičkog utvrđivanja najniže plaće koja je zasnovana na najnižoj cijeni rada koju dogovore potpisnici kolektivnog ugovora.

Predloženom izmjenom stava (3) člana 78. Zakona o radu izostavljen je tekst "... kretnju indeksa potrošačkih cijena ..." tako da nije jasno s čime će se vršiti usklađivanje najniže plaće.

Također, u prelaznim odredbama predmetnog zakona potrebno je navesti rok u kojem će se donijeti pravilnik iz predloženog stava (3) člana 78. Zakona o radu.

Član 8.

Sugeriramo da se provjeri da li u predloženom stavu (3) člana 114. Zakona o radu treba na kraju rečenice da stoje riječi: "u skladu sa ovim zakonom" s obzirom da je, prema stavu ovog ministarstva, od značaja samo činjenica da je dat otkaz ugovora o radu.

Član 10.


U stavu (1) navedeni pojam: "područja djelatnosti koja se finansiraju iz budžeta ili vanbudžetskih fondova", prema saznanjima ovog ministarstva, nije poznat u pravnoj teoriji niti praksi, te je primjena istog, iz tog razloga, neizvjesna. Vjerovatno se mislilo na pravne subjekte čija djelatnost se finansira iz budžeta ili vanbudžetskih fondova.

Nadalje, treba imati u vidu da određeni sindikati okupljaju radnike iz javnog i iz privatnog sektora (npr. Samostalni sindikat šumarstva prerade drveta i papira BiH), tako da se, teoretski, može dogoditi situacija da je reprezentativan sindikat onaj koji ne okuplja ili u manjem broju okuplja radnike pravnih subjekata čija djelatnost se finansira iz budžeta ili vanbudžetskih fondova.

S poštovanjem,

Pripremio: Miralem Đedović, stručni savjetnik
Kontrolisala: Enisa Đemir, pomoćnica ministricе
Dostaviti:

1. Naslovu,
2. a/a



MINISTRICA
Amela Dautbegović



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1

